

0
1cm
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
2



浙江圖書館



浙江圖書館



浙江圖書館



浙江圖書館

韋蘇州集卷之八



雜興

詠玉

乾坤有精物。至寶無文章。雕琢為世器。真性一朝傷。

詠水精

映物隨顏色。含空無表裏。持來向明月。的皜愁成水。

浙江圖書館

詠珊瑚

絳樹無花葉。非石亦非瓊。世人何處得。蓬萊石
上生。

詠瑠璃

有色同寒水。無物隔纖塵。象筵看不見。堪將對
玉人。

詠琥珀

曾爲老茯神。本是寒松液。蚊蚋落其中。千年猶

可觀。

仙人祠

倉岑古仙子。清廟闕華容。千載去寥廓。白雲遺
舊蹤。歸來灞陵上。猶見最高峰。

詠曉

軍中始吹角。城上河初落。深沈猶隱帷。晃朗先
分閣。

詠夜

劉涓子曰其安
近道語此漸趨
碩東橋曰造理
之言
又云勝詠夜之
作遠甚

明從何處去。暗從何處來。但覺年年老。半是此
中催。

詠聲

萬物自生聽。大空恒寂寥。還從靜中起。却向靜
中消。

任洛陽丞請告

方鑿不受圓。直木不為輪。揆才各有用。反性生
苦辛。折腰非吾事。飲水非吾貧。休告卧空館。養

病絕囂塵。遊魚自成族。野鳥亦有羣。家園杜陵下。千歲心氛氲。天晴嵩山高。雪後河洛春。喬木猶未芳。百草日已新。著書復何爲。當去東臯耘。

縣齋

仲春時景好。草木漸舒榮。公門且無事。微雨園林清。泱泱水泉動。忻忻衆鳥鳴。閑齋始延矚。東作興庶旰。卽事翫文墨。抱冲披道經。於焉日澹泊。徒使芳尊盈。

晚出府舍與獨孤兵曹令狐工曹南尋朱

雀街歸里第

分曹幸同簡。聯騎方愜素。還從廣陌歸。不覺青
山暮。翻翻鳥未沒。杳杳鐘猶度。尋草遠無人。望
山多在路。聊叅世士跡。嘗得靜者顧。出入雖見
牽。忘身緣所晤。一作明

休暇東齋

由來束帶士。請謁無朝暮。公暇及私身。何能獨

閑步摘葉愛芳在。捫竹怜粉污。岸幘偃東齋。夏
天清曉露。懷仙閱真誥。貽友題幽素。榮達頗知
疎。恬然自成度。綠苔日已滿。幽寂誰來顧。

夜直省中

河漢有秋意。南宮生早涼。玉漏殊杳杳。雲闕更
蒼蒼。華燈發新燄。一作燄輕煙浮夕香。顧迹知爲忝。束
帶愧周行。

郡內閒居

棲息絕塵侶。孱鈍得自怡。腰懸竹使符。心與廬
山緇。永日一酣寢。起坐兀無思。長廊獨看雨。衆
藥發幽姿。今夕已云罷。明晨復如斯。何事能爲
累。寵辱豈要辭。

燕居卽事

蕭條竹林院。風雨叢蘭折。幽鳥林上啼。青苔人
跡絕。燕居日已永。夏木紛成結。几閣積羣書。時
來北窻閱。

劉涇溪曰
寶狀

鞋天祥白身世
俱幻情景兩忘
劉涸溪曰古詞
本色微雨一聯
似亦以癡得之
也

幽居

貴賤雖異等。出門皆有營。獨無外物牽。遂此幽

陶云好

鍾云胸中死化

顧云謀得遠

居情。微雨夜來過。不知春草生。青山忽已曙。鳥

雀繞舍鳴。時與道人偶。或隨樵者行。自當安蹇

劣。誰謂薄世榮。一作拙
顧云不咳

野居書情

世事日可見。身名良蹉跎。尚瞻白雲嶺。聊作負

薪歌。

郊居言志

負暄衡門下。望雲歸遠山。但要樽中物。餘事豈
相關。交無是非責。且得任疎頑。日夕臨清澗。逍
遙思慮閒。出去唯空屋。弊簣委窻間。何異林棲
鳥。戀此復來還。世榮斯獨已。顏志亦何攀。唯當
歲豐熟。問里一歡顏。

夏景端居卽事

浙

北齋有涼氣。嘉樹對層城。重門永日掩。清池夏

雲生。遇此庭訟簡。始聞蟬初鳴。逾懷故園愴。默
默以緘情。

始至郡

湓城古雄郡。一作鎮橫江千里池。高樹上迢迢。峻堞繞

欹危。井邑煙火晚。郊原草樹滋。一作蕪洪流蕩北隄。崇

嶺鬱南圻。斯民本樂生。逃逝竟何爲。早歲屬荒

歉。舊逋積如坻。到郡方逾月。終朝理亂絲。賓朋

未及醺。簡牘已云疲。昔賢播高風。得守愧無施。

豈待干戈戢。且願撫惇嫠。

郡中西齋

似與塵境絕。作世蕭條齋舍秋。寒花獨經雨。山禽時到州。清觴養真氣。玉書示道流。豈將符守戀。幸以棲心幽。

新理西齋

方將叱訟理。久翳西齋居。草木無行次。閒暇一芟除。春陽土脉起。膏澤發生初。養條刊朽枿。護

藥鋤穢蕪一作荒稍稍覺林聳。歷歷忻竹疎。始見庭宇曠。頓令煩抱舒。茲焉卽餌愛。何必是吾廬。

曉坐西齋

藜藜城鼓動。稍稍林鷓去。柳意不勝春。巖光已知曙。寢齋有單裊一作茅靈藥爲朝茹。盥漱忻景清。焚香澄神慮。公門自常事。道心寧易處一作異。

浙郡齋卧疾絕句

香爐宿火滅。蘭燈宵影微。秋齋獨卧病。誰與覆

鍾伯敬曰真人
真事真話

寒衣。

寓居永定精舍

蘇剛

政拙忻罷守。閑居初理生。家貧何由往。夢想在
京城。野寺霜露月。農興羈旅情。聊租二頃田。方
課子弟耕。眼暗文字廢。身閑道心精。卽與人羣
遠。豈謂是非嬰。

永定寺喜辟強夜至

子有新歲慶。獨此苦寒歸。夜叩付林寺。山行雪

滿衣深鑪正。然火空齋共。掩扉還將一樽對。無
言百事違。

野居

結髮屢辭秩。立身本踈慢。今得罷守歸。幸無世
欲患。棲止且偏僻。嬉遊無早晏。逐兔上坡岡。捕
魚緣赤澗。高歌意氣在。蕝酒貧居慣。時啟北窻
扉。豈將文墨間。

同襄子秋齋獨宿

顧東橋云語未甚工而調古

山月皦如燭。風霜時動竹。夜半鳥驚栖。窻間人獨宿。

餌黃精

靈藥出西山。服食採其根。九蒸換凡骨。經著上世言。候火起中夜。馨香滿南軒。齋居感衆靈。藥術啟妙門。自懷物外心。豈與俗士論。終期脫印綬。永與天壤存。

浙王圖書館

昭國里第聽元老師彈琴

竹林高宇霜露清。朱絲玉徽多故情。暗識啼鳥
與別鶴。祇綠中有斷腸聲。

野次聽元昌奏橫笛

立馬蓮塘吹橫笛。微風動柳生水波。北人聽罷
淚將落。南朝曲中怨更多。

樓中聞清管

山陽遺韻在林端。橫吹驚響迴。憑高閣。曲怨繞
秋城。浙瀝危葉振。蕭瑟涼氣生。始遇茲管賞。已

懷故園情。

寒食

晴明寒食好。春園百卉開。
綵繩拂花去。輕毬度閣來。
長歌送落日。緩吹逐殘杯。
非關無燭罷。良爲羈思催。

七夕

人世拘形迹。別去問山川。
豈意靈仙偶。相望亦彌年。
夕衣清露濕。晨駕秋風前。
臨懽定不住。當

爲何所牽。

九日

今朝把酒復惆悵。憶在杜陵田舍時。明年九日知何處。世難還家未有期。

秋夜

暗窻涼葉動。秋天一作齋寢席單。憂人半夜起。明月在林端。一與清景遇。每憶平生歡。如何方慟愴。披衣露一作轉更寒。

劉涓溪曰可悲傷世與余同患

劉涓溪曰何也思索洞見本懷

秋夜一絕

高閣漸凝露。涼葉稍飄闌。憶在南宮直。夜長鐘
漏稀。

滁城對雪

晨起滿闌雪。憶朝闈闔時。玉座分曙早。金爐上
煙遲。飄散雲臺下。凌亂桂樹姿。厠跡鷓鴣末。蹈
舞豐年期。今朝覆山郡。寂寞復何爲。

雪中

空堂歲已晏。密室獨安眠。豎篠夜偏積。覆閣曉逾妍。連山暗古郡。驚風散一川。此時騎馬出。忽憶京華年。

詠春雪

徘徊輕雪意。似借艷陽時。不悟風花冷。翻令梅柳遲。

對春雪

蕭屑杉松聲。寂寥寒夜慮。州貧人吏稀。雪滿山

城曙春塘看幽谷。栖禽愁未去。開闈正亂流。寧
辨花枝處。

對殘燈

獨照碧窻久。欲隨寒燼滅。幽人將遽眠。解帶翻

成結。楊用修曰梁沈氏潛願詩殘燈猶未滅將盡更楊輝惟餘一兩燭猶
得解羅衣此詩實出于沈照章有出意而沈深矣

對芳樽

對芳樽。醉來百事何足論。遙見青山始一醒。欲
箸接離還復昏。

顧東橋曰此篇
細頌可意

夜對流螢作

月暗竹亭幽。螢光拂席流。還思故園夜。更度一
年秋。自慙觀書興。何慚秉燭遊。府中徒冉冉。明
發好歸休。

對新篁

新綠苞初解。嫩氣筍猶香。含露漸舒葉。抽叢稍
自長。清晨止亭下。獨愛此幽篁。

夏花明

夏條綠已密。朱萼綴明鮮。炎炎日正午。灼灼火
俱燃。翻風適自亂。照水復成妍。歸視窻間字。榮
煌滿眼前。

對萱草

何人樹萱草。對此郡齊幽。本是忘憂物。今夕重
生憂。叢疎露始滴。芳餘蝶尚留。還思杜陵圃。離
披風雨秋。

見紫荊花

雜英紛已積。含芳獨暮春。還如故園樹。忽憶故園人。

翫螢火

時節變衰草。物色近新秋。度月影纔歛。繞竹光復流。

對雜花

朝紅爭景新。一作鮮夕素含露翻。妍姿如有意。流芳復滿園。單棲守遠郡。永日掩重門。不與花爲偶。終

遣與誰言。

種藥

好讀神農書。多識藥草名。持纒購山客。移蒔羅
衆英。不改幽澗色。宛如此地生。汲井既蒙澤。插
援亦扶傾。陰穎夕房歛。陽條夏花明。悅翫從茲
始。日夕繞庭行。州民自寡訟。養閑非政成。

西澗種柳

浙

宰邑垂所願。僂俛愧昔人。聊將休暇日。種柳西

鍾伯敬曰不改
二語不獨言種
植之法兼得其
趣其理
譚夏夏云有情
有興在澁茲始
三字

譚夏曰心口
無餘

澗濱置鍾息微倦臨流睇歸雲封壤自人力生
條在陽春一作玉春成陰豈自取為茂屬佗辰延詠留嘉
賞山水變夕曛

種瓜

率性方鹵莽理生尤自疎今年學種瓜園圃多
荒蕪衆草同雨露新苗獨翳如直以春耜迫過
時不得鋤田家笑枉費日夕轉空虛信非吾儕
事且讀古人書

喜園中茶生

潔性不可污。爲餘滌塵煩。此物信靈味。本自出
山原。聊因理郡餘。率爾植荒園。喜隨衆草長。得
與幽人言。

移海榴

葉有苦寒色。山中霜霰多。雖此蒙陽景。移根意
如何。

郡齋移杉

擢榦方數尺。幽姿已蒼然。結根西山寺。來植郡
齋前。新合野露氣。稍靜高窻眠。雖爲賞心遇。豈
有巖中緣。

花徑

山花夾徑幽。古甃生苔澀。胡牀理事餘。玉琴承
露濕。朝與詩人賞。夜携禪客入。自是塵外蹤。無
令吏趨急。

慈恩寺南池秋荷詠

對殿含涼氣。裁規覆清沼。衰紅受露多。餘馥依
人少。蕭蕭遠塵跡。颯颯凌秋曉。節謝客來稀。迴
塘方獨遶。

題桐葉

參差剪綠綺。蕭洒覆瓊柯。憶在灋東寺。偏書此
葉多。

題石橋

遠學臨海嶠。橫此莓苔石。郡齋三四峯。如有靈

劉涇溪曰此語
自好但韋公
出數字神情又
別故貴知言不
然不免為野人
語矣好詩是
格得此絕先得
後半起更難似

仙跡方愁暮雲滑始照寒池碧自與幽人期道

遙竟朝夕

池上

郡中卧病久池上一來除榆柳飄枯葉風雨倒

橫查

滁州西澗

歐陽修云滁州城西乃是豐山無西澗獨成比有一澗水極淺不勝舟又江潮不到豈詩人務在佳句而實無此景耶

獨憐幽草澗邊生上有黃鸝深樹鳴春潮帶雨

晚來急野渡無人舟自橫

謝枋得云此詩感時多故而作又何足滁之果如是也

故知作者用心

西塞山

勢從千里奔。直入江中斷。嵐橫秋塞雄。地東驚
流滿。

山耕叟

蕭蕭垂白髮。默默詎知情。獨放寒林燒。多尋虎
跡行。暮歸何處宿。來此空山耕。

上方僧

見月出東山。上方高處禪。空林無宿火。獨夜汲

浙五圖書

寒泉不下藍溪寺。今年三十年。一作寒

煙際鐘

隱隱起何處。迢迢送落暉。蒼茫隨思遠。蕭散逐一作入
煙微。秋野寂云晦。望山僧獨歸。

始聞夏蟬

徂夏暑未晏。蟬鳴景已曛。一聽知何處。高樹但
侵雲。響悲遇衰齒。節謝屬離羣。還憶郊園日。獨
向澗中聞。

射雉

走馬上東岡。朝日照野田。野田雙雉起。翻射斗
迴鞭。雖無百發中。聊取一笑妍。羽分繡臆碎。頭
弛錦鞞懸。方將悅羈旅。非關學少年。弮弓一長
嘯。憶在灞城阡。

夜聞獨鳥啼

失侶度山覓。投林舍北啼。今將獨夜意。偏知對
影栖。

述園鹿

野性本難畜。翫習亦逾年。麇斑始力直。麇角已
蒼然。仰首嚼園柳。俯身飲清泉。見人若閑暇。麇
起忽低騫。茲獸有高貌。凡類寧比肩。不得遊山
澤。踴促誠可憐。

聞鴈

故園眇何處。歸思方悠哉。淮南秋雨夜。高齋聞
鴈來。

劉涓淡曰更不
須語言

耕天祥云省以不
復言極苦歸思無
著時更值夜雨聞
雁誰能遣此懷抱

顧東橋曰凄凉
有說
柯湛之云此必
悼亡後作次第
可見

子規啼

高林滴露夏夜清。南山子規啼一聲。鄰家嬌婦
抱兒泣。我獨展轉難爲情。一作何時明

始建射侯

男子本懸孤。有志在四方。虎竹忝明命。熊侯始
張皇。賓客時事畢。諸將備戎裝。星飛的屢破。鼓
譟武更揚。曾習鄒魯學。亦陪鷓鷯翔。一朝願投
筆。世難激中腸。

鷓鴣

可憐鷓鴣飛。飛向樹南枝。南枝日照暖。北枝霜
露滋。露滋不堪棲。使我夜常啼。願逢雲中鶴。銜
我向寥廓。願作城上烏。一年生九雛。何不舊巢
住。枝弱不得去。不意道苦辛。客子常畏人。

韋蘇州集卷之八終



浙江圖書館

韋蘇州集卷之九

歌行上

長安道

漢家宮殿含雲煙。兩宮十里相連延。晨霞出沒
弄丹闕。春雨依微自甘泉。春雨依微春尚早。長
安貴遊愛芳草。寶馬橫來下建章。香車却轉避
馳道。貴遊誰最貴。衛霍世難比。何能蒙主恩。幸
遇邊塵起。歸來甲第拱皇居。朱門峩峩臨九衢。

顧東橋曰蘇州
尚古故能為樂
府遺音

中。有。流。蘇。合。歡。之。寶。帳。一。百。二。十。鳳。凰。羅。列。舍。
明。珠。下。有。錦。鋪。翠。被。之。燦。爛。博。山。吐。香。五。雲。散。
麗。人。綺。閣。情。飄。飄。頭。上。鴛。鴦。雙。翠。翹。佢。鬟。曳。袖。
迴。春。雪。聚。黛。一。聲。愁。碧。霄。山。珍。海。錯。棄。藩。籬。烹。
犢。魚。羔。如。折。葵。既。請。列。侯。封。部。曲。還。將。金。印。授。
廬。兒。歡。榮。若。此。何。所。苦。但。苦。白。日。西。南。馳。

行路難

浙

荆山之白玉兮。良工珮琢雙環連。月蝕中央鏡

心穿。故人贈妾初相結。恩在環中尋不絕。人情
厚薄苦須臾。昔似連環今似玦。連環可碎不可
離。如何物在人自移。上客勿遽歡。聽妾歌路難。
旁人見環環可憐。不知中有長恨端。

橫塘行

妾家住橫塘。夫婿郗家郎。玉盤的歷矢白魚。湘
簾玲瓏透象牀。象牀可寢魚可食。不知郎意何
南北。岸上種蓮豈得生。池中種槿豈得成。丈夫

願云語好

劉涇溪曰却是
怨意
願東橋曰聲
與府

一○去○花○落○樹○妾○獨○夜○長○心○未○平○

貴遊行

漢帝外家子。恩澤少封侯。垂楊拂白馬。曉日上
青樓。上有顏如玉。高情世無儔。輕裾含碧煙。窈
窕似雲浮。良時無還景。促節爲我謳。忽聞艷陽
曲。四坐亦已柔。賓友仰稱嘆。一生何所求。平明
擊鐘食。入夜樂未休。風雨倦歲候。兵戈橫九州。
焉知坐上客。草草心所憂。

酒肆行

豪家沽酒長安陌。一旦起樓高百尺。碧䟽玲瓏
含春風。銀題彩幟邀上客。迴瞻丹鳳闕。直視樂
遊苑。四方稱賞名已高。五陵車馬無近遠。晴景
悠揚三月天。桃花飄俎柳垂筵。繁絲急管一時
合。他墟隣肆何寂然。主人無狀且專利。百斛須
臾一壺費。一作囊初釀後薄爲大偷。飲者知名不知味。
深門潛醞客來稀。終歲醇醲味不移。長安酒徒

劉涓漢曰極有
俠意
桂天祥曰猶耐
新豐酒便俠尚
帶灞陵雨何故
有如此佳

空擾擾路旁過去那得知

相逢行

二十登漢朝英聲邁今古
適從東方來又欲謁
明主猶酣新豐酒尚帶灞陵雨
邂逅兩相逢別
來問寒暑寧知白日晚
暫向花間語忽聞長樂
鐘走馬東西去

烏引雛

日出照東城春鳥鳴雛和鳴
鷓和鳴羽猶短

巢在深林春正寒。引飛欲集東城暖。羣鷓離縱
睥睨高舉翅不及墜蓬蒿。雄雌來去飛又引。音
聲下上懼鷹隼。引鷓烏。爾心急急將何如。何得
比日搜索雀卵噉爾鷓。

鷓奪巢

野鵲野鵲巢林稍。鷓鷯恃力奪鵲巢。吞鵲之肝
啄鵲腦。竊食偷居常自保。鳳凰五色百鳥尊。知
鷓爲害何不言。霜鷓野鷓得殘肉。同啄羶腥不

肯逐。可憐百鳥生縱橫。雖有深林何處宿。

燕銜泥

銜泥燕。聲嘒嘒。尾涎涎。秋去何所歸。春來復相見。豈不解決絕。高飛碧雲裏。何爲地上銜泥滓。銜泥雖賤意有營。杏梁朝日巢欲成。不見百鳥畏人林野宿。翻遭網羅俎其肉。未若銜泥入華屋。燕銜泥。百鳥之智莫與齊。

鞞鼓行

淮海生雲暮慘澹。廣陵城頭鼙鼓暗。寒聲坎坎
風動邊。忽似孤城萬里絕。四望無人煙。又如虜
騎截遼水。胡馬不食仰朔天。座中亦有燕趙士。
聞鼙不語客心死。何況鰥孤火絕無晨炊。獨婦
夜泣官有期。

古劍行

千年土中兩刃鐵。土蝕不入金星滅。沉沉青脊
鱗甲滿。蛟龍無足蛇尾斷。忽欲動。中有靈。豪士

得之敵國寶。仇家舉意半夜鳴。小兒女子不可
近。龍蛇變化此中隱。夏雲奔走雷闐闐。恐成霹
靂飛上天。

金谷園歌

石氏滅。金谷園中水流絕。當時豪右爭驕侈。錦
爲步障四十里。東風吹花雪滿川。紫氣凝閣朝
景妍。洛陽陌上人迴首。絲竹飄颻入青天。晉武
平吳恣懽燕。餘風靡靡朝廷變。嗣世衰微誰肯

憂二十四友日日空追遊。追遊詎可足。共惜年
華促。禍端一發埋恨長。百草無情春自綠。

溫泉行

出身天寶今年幾。頑鈍如錘命如紙。一作錘作官不了
却來歸。還是杜陵一男子。北風慘慘投溫泉。忽
憶先皇遊幸年。身騎廐馬引天仗。直入華清列
御前。玉林瑤雪滿寒山。玉生昇玄閣。遊絳煙。平明
羽衛朝萬國。車馬合沓溢四鄽。蒙恩每浴華池

水。扈獵不蹂渭北田。朝廷無事共懽燕。美人絲
管從九天。一朝鑄鼎降龍馭。小臣髯絕不得去。
今來蕭瑟萬井空。唯見蒼山起煙霧。可憐噉蹠
失風波。仰天大叫無柰何。弊裘羸馬凍欲死。賴
遇主人杯酒多。

學仙

昔有道士求神仙。靈真下試心確然。千鈞巨石
一髮懸。卧之石下十三年。存道忘身一試過。名

奏玉皇乃升天。雲氣冉冉漸不見。留與弟子但
精堅。

石上鑿井欲到水。情心一起中路止。豈不見古
來三人俱弟兄。結茅深山讀仙經。上有青冥倚
天之絕壁。下有颼颼萬壑之松聲。仙人變化爲
白鹿。二弟翫之兄誦讀。讀多七過可乞言。爲子
心精得神仙。可憐二弟仰天泣。一失毫釐千萬
年。

廣陵行

雄藩鎮楚郊。地勢鬱岩甍。雙旌擁萬戟。中有霍
嫖姚。海雲助兵氣。寶貨益軍饒。嚴城動寒角。晚
騎踏霜橋。翕習英豪集。振奮士卒驍。列郡何足
數。趨拜等卑寮。日晏方云罷。人逸馬蕭蕭。忽如
京洛間。遊子風塵飄。歸來視寶劍。功名豈一朝。

萼綠華歌

浙

有一人。今昇紫霞。書名玉牒。今萼綠華。仙容矯

矯兮雜瑤珮。輕衣重重今蒙絳紗。雲雨愁思今
望淮海。鼓角蕭條今駕龍車。世滯濁今不可降。
胡不來兮玉斧家。

王母歌

衆仙翼神母。羽蓋隨雷起。上遊玄極杳冥中。下
看東海一杯水。海畔種桃經幾時。千年開花千
年子。玉顏耿耿何處尋。世上茫茫人自死。

馬明生遇神女歌

學仙貴功亦貴精。神女變化感馬生。石壁千尋

啟雙檢。中有玉堂鋪玉簾。立之一隅不與言。玉

體安隱三日眠。馬生一立心轉堅。知其丹白蒙

哀憐。安期先生來起居。請示金鐙玉珮天皇書。

神女呵責不合兒。仙子謝過手足戰。大瓜玄棗

冷如冰。海上摘來朝霞凝。賜仙復坐對食訖。領

之使去隨煙升。一作使隨玄煙升漸

付爾安期再拜將。生出一授素書天地畢。

石鼓歌

周宣大獵兮岐之陽。刻石表功兮煒煌煌。石如
鼓形數止十。風雨缺訛苔蘚澀。今人濡紙脫其
文。既擊既掃白黑分。忽開滿卷不可識。驚潛動
蟄走云云。喘急逶迤相糾錯。乃是宣王之臣史
籀作。一書遺此天地間。精意長存世冥冥。秦家
祖龍還刻石。碣石之罘李斯跡。世人好古猶法
傳。持來比此殊懸隔。

寶觀主白鸚鵡歌

鸚鵡。鵠。鵠。衆皆如漆。爾獨如玉。鸚之鵠之。衆皆
蓬蒿下。爾自三山來。音來三山處子下人間。綽約不
粧冰雪顏。仙鳥隨飛來掌上。來掌上時拂拭人
心鳥意自無猜。玉指霜毛本同色。有時一去凌
蒼蒼。朝遊汗漫暮玉堂。巫峽雨中飛暫濕。杏花
林裏過來香。日夕依人全羽翼。空欲銜環非報
德。豈不及阿母之家青鳥兒。漢宮來往傳消息。

彈碁歌

圓天方地局。二十四氣子。劉生絕藝難對曹。客
爲歌其能。請從中央起。中央轉關破欲闌。零落
勢背誰能彈。此中舉一得六七。旋風忽散霹靂
疾。履機乘變安可當。置之死地翻取強。不見短
兵反掌收已盡。唯有猛士守四方。四方又何難。
橫擊上緣邊。豈如昆明與碣石。一箭飛中隔遠
天。神安志愜動十全。滿堂驚視誰得然。

韋蘇州集卷之九

終

浙 江 圖 書 館

韋蘇州集卷之十

歌行下

聽鶯曲

劉須溪曰望而知為木色人也

桂天祥曰觀太白新鶯百特便

覺韋詩煩劇

好 頽東橋曰形容

好

東○方○欲○曙○花○冥○冥○啼○鶯○相○喚○亦○可○聽○乍○去○乍○來○
頽云風沉
時○近○遠○纔○聞○南○陌○又○東○城○忽○似○上○林○翻○下○苑○綿○
綿○蠻○蠻○如○有○情○欲○轉○不○轉○意○自○矯○羌○兒○弄○笛○曲○
未○調○前○聲○後○聲○不○相○及○秦○女○學○箏○指○猶○澀○須○臾○
風○暖○朝○日○暎○流○音○變○作○百○鳥○喧○誰○家○懶○婦○驚○殘○

夢○何○處○愁○人○憶○故○園○伯○勞○飛○過○聲○跼○促○戴○勝○下
時○桑○田○綠○不○及○流○鶯○日○日○啼○花○間○能○使○萬○家○春
意○閑○有○時○斷○續○聽○不○了○飛○去○花○枝○猶○裊○裊○還○棲
碧○樹○鏤○千○門○春○漏○方○殘○一○聲○曉

白○沙○亭○逢○吳○叟○歌

龍○池○宮○裏○上○皇○時○羅○衫○寶○帶○香○風○吹○滿○朝○豪○士
今○已○盡○欲○話○舊○遊○人○不○知○白○沙○亭○上○逢○吳○叟○愛
客○脫○衣○且○沽○酒○問○之○執○戟○亦○先○朝○零○落○艱○難○却

負樵親觀文物蒙雨露。見我昔年侍丹霄。冬狩
春祠無一事。歡遊洽宴多頒賜。嘗陪夕月竹宮
齋。每返溫泉灞陵醉。星歲再周十二辰。爾來不
語今爲君。盛時忽去良可恨。一生坎壈可足云。

送褚校書歸舊山歌

握珠不返泉。匣玉不歸山。明皇重士亦如此。忽
恠褚生何得還。方稱羽獵賦。未拜蘭臺職。漢篋
亡書已暗傳。蒿丘遺簡還能識。朝朝待詔青鑱

闈中有萬年之樹蓬萊池。世人仰望棲此地。生
獨徘徊意何爲。故山可往薇可採。一自人間星
歲改。藏書壁中苔。半侵洗藥泉。中月還在春風
飲餞灞陵原。莫厭歸來朝市喧。不見東方朔。避
世從容金馬門。

五絃行

美人爲我彈五絃。塵埃忽靜心悄然。古刀幽磬
初相觸。千珠貫斷落寒玉。中曲又不喧。徘徊夜

長月當軒如伴風流縈艷雪更逐落花飄御園
獨鳳寥寥有時隱碧霄來下聽還近燕姬有恨
楚客愁言之不盡聲能盡末曲感我情解幽釋
結和樂生壯士有仇未得報拔劍欲去憤已平
夜寒酒多愁遮明

驪山行

君不見開元至化垂衣裳厭坐明堂朝萬方訪
道靈山降聖祖沐浴華池集百祥千乘萬騎被

原野。雲霞草木相輝光。禁仗圍山曉霜切。離宮
積翠夜漏長。玉階寂歷朝無事。碧樹萎蕤寒更
芳。三清小鳥傳仙語。九華真人奉瓊漿。下元昧
爽漏恒秩。登山朝禮玄元室。翠華稍隱天半雲。
丹閣光明海中日。羽旄旒節憇瑤臺。清絲妙管
從空來。萬井九衢皆仰望。彩雲白鶴方徘徊。憑
高覽古嗟寰宇。造化茫茫思悠哉。秦川八水長
繚繞。漢氏五陵空崔嵬。乃言聖祖奉丹經。以年

一作一望

一作編

爲日億萬齡。蒼生感壽陰。陽泰高謝前。王出塵
外。英雄共理天下晏。戎夷讐伏兵無戰。時豐賦
劔未告勞。海濶珍竒亦來獻。干戈一起文武乖。
歡娛已極人事變。聖皇弓劔墜幽泉。古木蒼山
閉宮殿。纘承鴻業聖明君。威震六合驅妖氛。太
平遊幸今可待。湯泉嵐嶺還氛氲。

漢武帝雜歌

漢武好神仙。黃金作臺與天近。王母摘桃海上

還感之西過聊問訊欲來不來夜未央殿前青
鳥先迴翔綠鬢縈雲裾曳霧雙節飄飄下仙步
白日分明到世間碧空何處來時路玉盤捧桃
將獻君踟躕未去留彩雲海水桑田幾翻覆中
間此桃四五熟可憐穆滿瑤池燕正值花開不
得薦花開子熟安可期邂逅能當漢武時顏如
芳華潔如玉心念我皇多嗜欲雖留桃核桃有
靈人間糞土種不生由來在道一作德豈在藥徒勞方

士海上行。掩扇一言相謝去。如煙非煙不知處。
金莖孤峙。今凌紫煙。漢宮美人望杳然。通天臺
上月初出。承露盤中珠正圓。珠可飲。壽可永。武
皇南面曙欲分。從空下來玉杯冷。世間綵翠亦
作囊。八月一日仙人方。仙方稱上藥。靜者服之
常綽約。柏梁沈飲自傷神。猶聞駐顏七十春。乃
知甘醲皆是腐腸物。獨有淡薄之水能益人。千
載金盤竟何處。當時鑄金恐不固。蔓草生來春

復秋碧天何言空墜露。

漢天子觀風自南國。浮舟大江屹不前。蛟龍索
鬪風波黑。春秋方壯雄武才。彎弧叱浪連山開。
愕然觀者千萬衆。舉麾齊呼一矢中。死蛟浮出
不復靈。舳艫千里江水清。鼓鼙餘響數日在天
吳。深入魚鱉驚。左有攸飛落霜翮。右有孤兒貫
犀革。何爲臨深親射蛟。示威以奪諸侯魄。威可
畏。皇可尊。平田校獵書猶陳。此日從臣何不言。

獨有威聲振千古。君不見後嗣尊爲武。

機欄蠅拂歌

機欄爲拂登君席。青蠅一作涼掩亂飛四壁。文如輕羅散如髮。馬尾毳毛不能絜。柄出湘江之竹碧玉寒。上有纖羅縈縷尋未絕。左揮右洒繁暑清。孤松一枝風有聲。麗人純素可憐色。安能點白還爲黑。

信州錄事參軍常曾古鼎歌

三年糾一郡。獨飲寒泉井。江南鑄器多鑄銀。罷
官無物唯古鼎。彫螭刻篆相錯蟠。地中歲久青
苔寒。左對蒼山右流水。云有古來葛仙子。葛仙
埋之何不還。耕者鎗然得其間。持示世人不知
寶。勸君鍊丹求壽考。

夏水歌

出自玄泉杳杳之深井。汲在朱明赫赫之炎辰。
九天含露未銷鑠。閭闔初開賜貴人。碎如墜瓊

方截璐粉壁生寒象筵布玉壺紈扇亦玲瓏座
有麗人色俱素咫尺炎涼變四時出門焦灼君
詎知肥羊甘醴心悶悶飲此瑩然何所思當念
闌干鑿者苦臘月深井汗如雨

凌霧行

秋城海霧重職事凌晨出浩浩合元天溶溶迷
作曉朗日纔看含鬢白一作似稍視霑衣密道騎全不分郊
樹都如失霏微誤噓吸膚腠生寒慄歸當飲一

揚用修曰此與
芬徐秀才五絃
行屢用艷雪字
而不鞅其複也
或問予雪可言
艷乎予曰洛神
以流風迴雪比
美人之飄搖雪
固自有艷也然
雪之艷非韋不
能道柳花之香
非李不能道竹
之香非子美不
能道也

杯庶用蠲斯疾。

樂燕行

良辰且燕樂。樂往不再來。趙瑟正高張。音響清
塵埃。一彈和妙謳。吹去繞瑤臺。艷雪凌空散。舞
羅起徘徊。輝輝發衆顏。灼灼嘆令才。當喧旣無
寂中飲。亦停杯。華燈何遽升。馳景忽西頽。高節
亦云立。安能滯不廻。

采玉行

官府徵白丁。言采藍谿玉。絕嶺夜無家。深榛雨
中宿。獨婦餉糧還。哀哀舍南哭。

一作田荒舍南哭

難言

掬土移山望山盡。投石填海望海滿。持索捕風
幾時得。將刀斫水幾時斷。未若不相知。中心萬
仞何由款。

易言

洪鑪熾炭燎一毛。大鼎炊湯沃殘雪。疾影隨形

不覺至千鈞引縷不知絕未若同心言一言和
同解千結

調嘯詞

胡馬胡馬遠放燕支山下跑沙跑雪獨嘶東望
西望路迷路迷路迷路邊草無窮日暮
河漢河漢曉挂秋城漫漫愁人起望相思江南
塞北別離別離別離別離河漢雖同路絕

三臺詞

一年一年老去。明日後日花開。未報長安平定。
萬國豈得銜盃。

冰泮寒塘始綠。雨餘百草皆生。朝來門閭無事。
晚下高齋有情。

韋蘇州集卷之十終

草... 州... 書... 本... 之... 中... 年... 不... 第... 一... 首...

... 十... 年... 五... 第... 二... 首...

... 其... 實... 大... 義... 也...

... 故... 其... 上... 下... 之... 道...

... 不... 高... 遠... 亦... 不... 下...

... 水... 平... 亦... 亦... 亦... 亦... 亦...

... 萬... 國... 遠... 播... 萬... 里... 亦... 亦...

... 亦... 亦... 亦... 亦... 亦... 亦... 亦...



浙 江 圖 書 館

... 官... 主... 師... 來... 門... 闕... 飛... 車...

... 亦... 亦... 亦... 亦... 亦... 亦... 亦...

... 亦... 亦... 亦... 亦... 亦... 亦... 亦...

韋蘇州集拾遺目錄

熙寧丙辰校本添四首

荅暢叅軍一首

南池宴錢子辛賦得科斗一首

詠徐正字畫青蠅一首

虞獲子鹿一首 并序

紹興壬子校本添三首

陪王郎中尋孔微君一首

送宮人入道一首

和晉陵陸丞早春遊望一首

乾道辛卯校本添一首

九日

書 圖 江 浙

韋蘇州集拾遺

答暢參軍

館

秉筆振芳步。少年且吏遊。官閑高興生。夜直河
漢秋。念與清賞遇。方抱沈疾憂。嘉言忽見贈。良
藥同所瘳。高樹起栖鴉。晨鐘滿皇州。淒清露華
動。曠朗景氣浮。偶宦心非累。處喧道自幽。空虛
爲世薄。子獨意綢繆。

浙

南池宴錢子辛賦得科斗

臨池見科斗。美爾樂有餘。不憂網與鈎。幸得免
爲魚。且願克文字。登君尺素書。

詠徐正字畫青蠅

誤點能成物。迷真許一時。筆端來已久。座上去
何遲。顧白曾無變。聽雞不復疑。詎勞才子賞。爲
入國人詩。

虞獲子鹿

并序

虞獲子鹿。憫園鹿也。遭虞之機張。見畜於人不

得遂其天性焉。

虞獲子鹿畜之城陬。園有美草。池有清流。但見
蹶蹶亦聞啾啾。誰知其思巖谷云遊。

陪王郎中尋孔徵君

俗吏閑居少。同人會面難。偶隨香署客。來訪竹
林歡。暮館花微落。春城雨暫寒。甕間聊共酌。莫
使宦情闌。

送官人入道

捨寵求仙畏色衰。辭天素面立天墀。金丹擬駐
千年貌。寶鏡休勻八字眉。公主與收珠翠後。君
王看戴角冠時。從來宮女皆相妬。說着瑤臺總
淚垂。

和晉陵陸丞早春遊望

獨有宦遊人。偏驚物候新。雲霞出海曙。梅柳度
江春。淑氣催黃雀。晴光照綠蘋。忽聞歌苦調。歸
思欲沾巾。

九日

一爲吳郡守。不覺菊花開。始有故園思。且喜衆
賓來。

浙江圖書館



浙江圖書館

韋蘇州集

總論

館

白樂天曰韋蘇州歌行才麗之外頗近興諷其
五言尤高雅閒澹自成一家之體

司空圖曰右丞蘇州趣味澄夏若清沈之貫達
又曰王右丞韋蘇州澄澹精緻格在其中
豈妨於道樂哉

浙

五

圖

書

敖陶孫曰韋蘇州如園客獨繭賭合音薇

劉須溪云韋應物居宮自愧悶悶有卹人之意
其詩如深山採藥飲泉坐石曰晏忘歸又
曰韋詩潤者如石

葛常之曰韋應物詩平平處甚多至于五言句
則超然出于畦徑之外

徐師川云自李杜以來古人詩法盡廢惟蘇州
有六朝風致最爲流麗

葛蘩云其爲文峻潔幽深詞意簡遠指事言情

格力閒暇下可以陵顏謝而上可以薄風騷擺去陳言濃纖合度而自成一家

西清詩話云韋蘇州如渾金璞玉不假雕琢成妍唐人有不能到至其過處大以村寺高僧奈時有野態

宋潛溪曰韋應物祖襲靈運能一寄濃纖于簡澹之中淵明以來一人而已

李東陽曰陶詩質厚近古愈讀而愈見其妙韋

應物稍失之平易柳子厚則過于精刻世
稱陶韋又稱韋柳特槩言之惟謂學陶者
須自韋柳而入乃爲正耳

何良俊曰韋左司性清曹遠最近風雅其活澹
之趣亦不減陶靖節唐人中五言有陶何
遺韻者獨左司一人

王元美曰韋左司平澹和雅爲元和之冠又曰
左司今朝郡齊冷是唐選佳境倪雲林詩

法云韋蘇州思致清遠能道小喫烟火食

語

館

桂天祥云韋蘇州古詩冲雅極高律詩閒澹然
不古矣

圖

鍾惺云韋蘇州等詩胸中腕中皆先有一段真
至深永之趣落筆自然清妙非專以淺澹
擬陶者世人誤認陶詩作淺澹所以不知
韋詩也

譚元春云總是清清一字要有來歷不讀書不

深思人假借不得



浙江圖書館



浙江圖書館



浙江圖書館

八〇濟点



浙江圖書館

浙江圖書館善本

甲登記號：024599


一九 年 月 日

八〇



浙江圖書館


colorchecker CLASSIC



x-rite



colorchecker CLASSIC



write

http://www.munsellcolorservices.com